



徐公文集卷第二十六

東海徐鉉

楊府新建崇道宮碑銘

洪州奉新縣重建闔業觀碑銘

洪州西山重建應聖宮碑銘

驪山靈泉觀碑

洪州延慶寺碑銘

楊府新建崇道宮碑銘并序

有天地然後有萬物有萬物然後有君臣有君臣然



後有教化教之大者當由其本則大道是已夫道積
乎中動合於真故能舉堯舜周孔之法奮禮樂刑政
之用若道不在焉而守其遽廬則莊周於是糠粃仁
義輪扁於是糟粕古書矣夫孝本因心而宗廟簋簠
所以致孝也道本勤行而宮觀壇墀所以尊道也為
政者有能原聖人之旨以垂憲宗列真之宇以薦誠
其殆庶乎廣陵大藩四海都會制度之盛雄視諸侯
土德既微三災斯御名井邑屢變城郭僅存
皇宋膺圖更造區夏雖天寶輔德亦世而後仁今上

嗣位之六年詔太常博士孫君邁佐理斯郡復膺古
訓得意玄閑以為教之不興民將安仰於是相奩塏
之地即清曠之墟創朝修之宮奉玄元之御當宗壙
之左次俯合瀆之東涯出俸錢以易置運心匠以經
營班倭方集畚鍤既興未及僞功移典秋浦同聲之
應千里非遙太子右贊善大夫潘君若冲負儒雅之
才韞恬淡之量允膺朝選代撫斯民庶政交修能事
畢舉惟茲靈宇既有成規於是揆日庀徒克終懿績
若乃殿堂陞楹之制閉閣梁恩之列或躊躇以閉宴

或竄窳而易延晬容肅穆伏衛紛繹搖太霄之佩植
紫旄之節村洞陰之磬扣豐山之鐘歛若經閭風而
歷琳房飄如排玄雲而揖丹露風亭月觀之地紫氣
浮空歌臺舞閣之基芝英擢秀學者假筌蹄而有得
游者甘樂餌而斯留霽然福鄉丕變浮俗既畢雲御名
乃揚王庭有詔賜名曰崇道大矣哉聖人在上墜典
咸修自成岷岵之區何假崆峒之問是宜刻於樂石
紀在方書某也素為道民嘗學史氏以文見屬所不
復辭銘曰

大哉道原湛然常在其質無象其功不宰君子得之
勤行不怠勤行伊何啓煥靈場乃闢隙荒乃築宮墻
峨峨高門屹屹崇堂祀事孔明玄儀載光淮海惟揚
九州之與厥民伊何富庶而教天仰靈鑿人知至道
咨爾三方是則是效崑岡北峙邗水南通聖日麗天
真氣盤空焯焯煌煌竟竟態態道民作頌永播 皇
風

洪州奉新縣重建闔業觀碑銘并序

道之為體也大大則象無不容道之為用也柔柔則

物莫與校南方之強也故冲氣之所萃異人之所生
壇館之所宅景福之所生相乎域中南楚為盛先聖
之論豈誣也哉洪州奉新縣閭業觀者案方志西晉
邑人劉真君之故居也真君名道誠以經明行修仕
至刺史郡守金行不覺仁獸非時知幾之賢有道之
士卷懷而退修之於鄉立德陰功昭受靈既故真君
辭張邴之祿追茅許之風單車還家勤行不息以永
嘉二年八月十五日舉族上升謁爾福鄉依然舊址
錦帷下降玉鳥長留後學瞻望若仲尼之闕里遺民

思慕如召伯之甘棠梁大同元年乃建為觀爾其豫
章垂蔭洪井儲靈華林蒼翠當其陽馮水清冷環其
域煙霞韜映竹樹青蔥居然人境之間自是仙游之
地載祀四百朝市三移封域之間英靈不泯鹿巾霞
帔之士往往冥升縉紳逢掖之流時時傑出存諸舊
史是號名區土德既微羣方鑿難城有復隍之患室
多撓棟之凶乃眷殊庭俄悲閨戶而瓊蘊之所秘霜
鐘之所懸屹爾麗譙儼然對峙有道門都監余守徵
者翦除宿莽草創精廬苦節忘形五十餘載修心以

化俗傳法以度人入室弟子龔紹元吳紹甄皆能肅
奏真科祇稟遺訓惟鄉人之善者知歲計之有餘高
士胡君名仲堯延慶簪纓息機丘壑師黃老之術以
虛方寸躬曾閔之行睦閨門博施濟衆斯謂一智以
為集靈之館祈福之場陋而不度民將安仰於是揆
時屬役即舊謀新詢謀僉同晚信咸萃增湫下為壘
壇易卑室為崇鑿棟宇之設則因夫故基制度之中
則考於經法凡殿堂門闕居室厨廩延袤周徧殆且
百區三尊象真羽儀侍衛精嚴肅穆不可為狀履端

闡造廣庭恍然如從汗漫之游即瑤階瞻玉座竦然
若奉武夷之會既而息徒已事日吉辰良明祀以告
成功精意以答真祐舉紫旄之節搖太霄之佩然九
華之燭奏空洞之章星斗迴光煙雲改色青天白日
夫豈遠哉于時胡君以姻睦之行慈惠之澤里閭稱
舉郡國拜聞詔書褒美特加旌表揭以雙闕蠲其追
胥江楚之間以為盛事是知玄風之被俗聖政之化
人變魯至道見於今矣夫如是則可以傳芳金石垂
裕昆雲俾乎好道之徒益勵齊賢之志云爾其銘曰

大道無名得之為真矯矯劉君知幾其神遜爾侯社
上為帝賓維梓之地甘棠之人峙此仙祠章江之濱
華表未歸桑田已改舊井誰深高臺尚在不見芝英
猶芳蘭底佳氣鬱葱如將有待彼美胡君州閭之英
世味道腴家傳義聲歸誠玉闕奉贄金籙易此顏全上
化為殊庭乃春福鄉實惟南楚閑館相望颺輪交午
真圖秘錄唯仁是與刻頌貞珉永歸終古

洪州西山重建應聖宮碑銘并序

先儒有言曰山者宣也宣氣生萬物者也然則崇岳

巨鎮蓋氣之雄者也其間靈峯竒岫又氣之粹者也
其間靈峯竒岫又氣之粹者是故帝以會昌神以
建福感而生聖賢宅而為洞天竒怪恍惚非尋常所
能測已西山者作鎮荆楚雄視衡巫勢靡迤而崇高
氣清虛而和暢動植滋茂樵隱閑安物軌之洪崖先
生所居於此洪井之右澗水之濱喬木森羅古壇猶
在長阜回抱是謂鸞岡北隅特高仍有伏龍之號唐
乾元初山人申太芝上言其地有異氣詔於此立應
聖之宮抗玄元正殿於其前塑肅宗聖容於其上繚

垣觀闕仰法於紫宮路門納陛取規於丹禁光靈煥
爛薦獻精嚴上士勤行守臣泣一職秩之盛莫之與
京廣明已還三災在運望拜之地闕而莫脩遼東之
鶴徒還絳縣之人已老甲辰歲有道士王守玄者緱
山仙裔茅嶺名流受命藩侯來膺道任剪荆棘於高
閔之址御名茅茨於隆棟之基不出焦先之廬自化庚
桑之俗善言彌遠馴致其功二十許年克甄舊制入
室弟子劉德淳氣冲兒肅節苦行高恪恭以居次謙
和以接物既嗣其業遂成厥終又十餘年締鑿云畢

凡內外殿宇百有餘區材用善良工藝堅密其藻飾
也不踰奢儉之節其廣袤也足展朝修之儀祕殿深
嚴靈壇博敞辟容穆若列侍參然鐘磬在懸苾芩具
薦燦旭景於軒檻延夕月于甍題蕭寥空洞之音希
夷颺歛之御邈哉真境無得而名鉉爰在弱齡服膺
至道先君頃參戎乘嘗泣斯邦依然棠樹之人自是
桐鄉之邑乃以庚申歲遷奉松楸卜兆於鸞岡之陽
敢言折臂之祥願占維桑之地明年復以王事再至
山中祠虛皇於游帷之宮拔龍簡於天寶之洞所經

靈跡竇契幽尋又是山有寶光初至之夕即見於中
峯之上下至山麓倏忽聚散狀如野燎而精明眩目
不可正視澗中有盤石石有三藥白歲端午日未曙
前常有搗藥之迹餘滓在焉水流至此甘香如蜜取
以灌漱心府瑩然斯皆載於舊經親所覆視者也此
山登晨之士接武而洪崖為之冠列仙之壑連屬而
洪井為之宗然則閭風玄圃之在人間者也宜其篆
刻金石永齊穹壤鄙儒不佞敢作銘曰江之右楚之
區峙靈岳為仙都洪井濱鸞岡隅建清宮應真符廢

而興神之扶宮既成道既行校三官朝百靈集景福
薦皇明復淳化遂嘉生億萬年流頌聲

驪山靈泉觀碑

蓋聞遂古洪荒既表大庭之車皇猷炳煥亦尊軒后
之臺是知聖哲相因比千年於旦暮質文迭用歷三
正以循環斯之謂至公斯之謂不朽頌頌聲所作冊
府存焉若乃天地網緼陰陽孕毓神舉天府莫為王
者之居靈液甘泉出奉聖人之用丹甑不炊而自熟
溫谷不爨而自然神妙無方所以存而勿論蕩衰難

後集卷之六
老所以酌而不竭矧夫西都舊國東井垂芒終南太
一寓其精洪河清渭均其潤湛然神井冠此宗山據
九州之膏腴備萬乘之湯沐固可以蹄筌衆壑畎澮
百川猗歟無得而稱已在昔唐之方有德也稟金壺
之道訓受羊角之禎符奄四海而為家綿六葉而愈
盛教宗玄默心寄窈冥卷領結繩幾致華胥之俗鳴
鑿弭節常從汗漫之期輿馬之音朝行而夕至玉帛
之會天動而雲臻孝惟奉先仁不忘本乃於山之北
趾建華清之宮玄元之御當陽而玉瑩五聖之象列

侍而星環別館離宮連甍接棟朝元長生紀其號霓
裳羽衣播其聲至誠所通純嘏來應太平之運五十
斯年三代已還未始有也及夏庭兆釁戲水挺災因
室之亂雖平馱世之游遂往金莖露掌但有餘基樂
水雲謠聊無嗣響而巋然真宇儼若清都同光中初
殄國讎永懷舊物載賡成制肅奉玄科因改命曰靈
泉之觀芝泥龍簡特修精禱之儀雲錦鳳羅歲度勤
行之士是知豐功盛業將歷運以有遷道捷玄闕與
虛元而共久累朝寅奉五紀于茲素雲紫氣以常靡

白鶴青牛而狎至國家朱光繼統綠字膺圖受白環
於龜山得玄珠于赤水雖三秦父老猶牽望幸之心
而九服蒸黎重覩開元之日信皇天之輔德諒百祿
之咸宜道士武人玄冲氣內充仙才外挺紀綱道任
啓煥靈場薦享惟嚴羽儀若舊琳房浴殿如清蹕之
時巡絳節珠璠想丹輿之下降幢幢御路奔矣宮墻
或乘軺建節之賓或觀藝探書之客陟瑤壇而增肅
瞻玉座以長懷蓋仁風之所被者深故遺德之所加
者遠是宜播為雅頌告於神明敢摛紫表之文恭鏤

茗華之玉其辭曰

天地之氣宣以名山陰陽之英融為溫泉聖人用之
益壽延年同出於道同謂之玄逖矣伊唐蒸哉六葉
河圖帝錄鴻勳大業天秩孔明真符屢接雲蓋亭亭
芝房燁燁歸功聖祖過享清宮周垣繚野反宇凌空
孝思不匱道德惟公希夷有象盼壘宜通數有推移
世分今昔屹爾雲壑依然聖迹萬萬脩林湯湯神液
備物莊嚴百祥繁錫至哉坎德效此神珍配靈上藥
薦祉真人冥升自遠遺烈長新思玄之老頌德之臣

真懷靡所用勒貞珉

洪州延慶寺碑銘

若夫名區勝境真靈之所徘徊通都大邑游居之所
走望故其府朝之制度里閭之延袤宮廟壇墀之嚴
裡祀薦享之肅無不及焉必可觀也豫章古郡通楚
要津萬靈所宗百寶攸集龍劍之氣炳耀於列星金
冶之精騰光於峻岳飛錦帷於仙館植鐵柱於重陰
方志所傳竒蹤可見而故老復言晉元帝即位之歲
郡人有耕於東湖之良隅者獲瑤像焉其高三尺其

狀殊異守臣上啓詔立寺以處之歲紀迭更薦奉無
絕至唐大和三年文宗皇帝以夢寐通感特詔修崇
有僧普願者率勵衆力創造飛閣極高明之制盡臨
觀之室瞻仰之徒勝賞仍在會昌沙汰旋更殄夷時
有寺主僧神確躬奉瑞容瘞于堂下大中改制將復
修宇像遂堙沈求不可得而靈迹所在羣心未忘咸
通二年連帥嚴譔表請重建因紀誕聖之節署為延
慶之寺子來之力雲鑿如初廣明中巢寇亂常羣盜
蜂起三災所及寺復焚如光啓二年廉使王師甫即

其故基又加營繕自時厥後百載于茲市朝屢更興廢不及名人上士增飾相因國家奄有衆區普恢教法人識修心之旨家懷祈福之誠此邦之人素多尚信千里之地頻致豐穰戶有餘貲居多暇日監寺僧智清勤行其道時省其庸推誠以化人節用以成務竣其卑庠緝其頽頽改作正殿及廊廡共七間踈楹廣廈雕甍藻梲瑣牕洞戶珠網金鋪蹙產鴻紛深沈煥爛闕政倫矣能事畢矣觀其康莊旁達閭伍綺分西則崇山隱天煙霞韜映乎其上前則平湖彌望魚


鳥翔泳乎其中雖復觀雉接連車馬回合蕭然人外自遠世紛信乎棲息之場習靜之地也僧契緣攝贊其事不朽是圖伐石為碑以文求我銘曰

至哉玄貺邈矣坤珍凝為異像以祐斯民靈心所格精舍攸因其神或隱其迹寧淪廢興在運啓煥由人有美清師勤行其道彼都人士服義承教率是衆力宇斯廟貌秘殿穹隆層軒竒寮勝事精嚴丹誠至到名山雄雄大江溶溶五侯之國千里之封靈場隱軫道氣明融神明所相有感必通刊名法宇永播無窮

徐公文集卷第二十六

徐公文集卷第二十七

東海徐鉉



洪州西山翠巖廣化院故澄源禪師碑銘

大宋舒州龍門山乾明禪院碑銘

大宋故天雄軍節度行軍司馬易府君神道碑

故唐大理司直鄂州漢陽令贈衛尉少卿樊公

神道碑

洪州豐城縣李司空廟碣文

洪州道正倪君碣

洪州西山翠巖廣化院故澄源禪師碑銘
聖人設教賢者學之有能極深研幾剖疑析滯不背
本以矯激不汙波而流宕世人宗仰時君褒異斯可
以為君子矣禪師名無旣姓吳氏連江人也昔泰伯
獲讓肇啓南藩至德所及流光百代子孫蕃衍吳越
為多至今為著姓焉累世隱德鄉曲推重道氣鍾粹
而生禪師幼異常童不染俗態年七歲從晉安雪峯
真覺禪師出家二十請開元寺受度真覺之道見重
於時禪師默識微言盡得要旨而復博考往行幽尋

勝迹江浙諸郡靡不經遊先達推稱後生請益結轍
連袂虛往實歸禪師以道貴沖用性復虛靜所止之
處學徒俯千人輒復捨去晚歲止廬陵之禾山其名
益彰季唐先主召見之特加禮遇俾居廣陵之祥光
院嗣君踐祚優禮有加賜號澄源禪師命移處豫章
之上藍西山之翠巖院是皆都邑之勝槩高人之游
集自非密行淳德不能鎮服羣情我迭居之綽有餘
裕雖身在巖谷而恩注帷扆存省問遺使者相望享
壽七十有七建隆元年春二月五日終於翠巖院甘

露被樹數日不晞鶴盤空三周而去門弟子用西域之禮葬于院之巽隅封于其上恩旨褒飾名其丘曰大醫道俗孺慕會其葬者萬數鉉也趨捨異術聲塵致暎于時釋氏方盛師門于啓嘗侍嗣君宴語從容上言曰古稱千里一賢猶比肩也今號長老者十數無乃多乎嗣君深以為善因曰惟澄源禪師其殆庶矣無幾何以家門情禮請告至山會師已沒瞻仰遺像參迹行事乃信名不虛得亦表君之知臣今來京都復與師弟子鑒琮相遇琮師志性端慤修習精

勤肅奉成規博總衆藝慈惠救物時人稱之明詔賜號慧覺大師錫以紫服朝恩決于累世實教門之榮觀也于時禪師委順三十年矣琮也思廣銘頌庶永遺風以鉉嘗學舊史見求直筆若夫褒善稱伐翰墨攸光載瞻西山實寄松楸敢抽秘思以告九原銘曰
兀兀東越武夷之區時生異人與古為徒禪師出焉
俊邁且都顯顯南楚西山作鎮真靈所宅教法斯振
禪師居之允矣令問道無不在法非可名理超言象
俗仰風聲豐碑載勒勝氣長生猗嗟來者用此為程

大宋舒州龍門山乾明禪院碑銘并序

山岳極天莫雄於嵩霍川續紀地莫靈於江淮盤薄
 縈帶中畫郡國幅員數千里舒眇居其陽真聖之所
 躋次景福之所興作必有高士來闢妙門以導精粹
 之氣以恢淳和之俗則龍門山乾明禪院所以建也
 是山東去郡九十里蓋嵩岳之一峰山有龍井郡人
 雩祭之所靈應昭哲因以名焉深巖洞岫風雲之所
 畜泄湧泉清池璿碧之所隱見涼颼爽氣五月可以
 披裘脩竹茂林四時未嘗易景游方之士至輒忘歸

有曉導禪師者家本宜春幼捐俗累從師訪道歷抵
 湘沅探幽洞微得聖人之宗旨清心鍊行踵前作之
 風聲向道之徒靡不宗仰乾德五載始來此山顧瞻
 林泉有懷棲息邑人宋仁瑗輟其隴畝以奉宴居面
 壑臨流誅茅穿徑遠擬闕令草樓之觀近同焦光鳩
 牛之廬歲計有餘善信來應廬江人侯霸大施資賄
 以奉經營數年之間蔚然崇聖復廟重屋瑣牕洞戶
 藻以丹雘駢以璧璫所以重威神也黌堂講肆踈楹
 高座皓壁月皎層軒霞舒所以敷道義也前則端闈

後集卷之六
四
瞰野旁則脩廊納陛厨廩充牣居室閑安閱經籍於
巖房息徒侶於奧寢棟宇延袤凡二百區蓋精誠之
所憑實邑里之勝槩也

今上嗣統像法大興禪師徒步神京對揚雲陛恩旨
嘉賞賜號曰乾明禪院華題鳳篆降自慶霄聖日天
光煥乎幽谷夫道之行也時與地并斯郡山水竒絕
動植茂遂民情淳朴聖迹回環非明主至仁不能恢
清淨之教非禪師宏行不能化嶮嶇之人示之以精
修祐之以戩穀變魯至道夫何遠哉鉉頃歲謫居此

地思過三載閭里之見待也厚風物之恆志也深冥
得喪之懷無憔悴之色及今三紀未嘗忘諸曾禪師
狀肇興之由圖不朽之作受簡秉筆欣然記焉銘曰
教必有象待時而行道無不在因地而靈嵩岳穹崇
時川清泠鬱鬱佳氣宜為福庭有美導師為人由已
人應物感風行良止闕此叢薄化為金地雲今上中開
靈光四起君恩啓煥真聖回翔劉雷永遠接軫齊芳
玄符靡測福應無方刊茲樂石用配無彊

大宋故天雄軍節度行軍司馬易府君神

道碑并序

府君諱文贇字廣美豫章高安人也。在昔有晉春陵令，雄位不充，量忠以亡身，作流子孫，繁衍荆楚。其世祿鍾德，則故老家謀詳焉。曾祖暉，祖宗，皆不仕。妣鄒氏，追封范陽縣太君。從子貴也。君符彩異邁，質性深沉，少遭時亂，靜守家法，剛而無犯，勇而有節，鄉曲之譽，藹然於時。有吳功臣劉公信，節制豫章，訓兵選士，聞君名而召之。君謂所親曰：大丈夫當立功立事，以大家門，吾聞劉公剛毅，倘僅有英雄之量，必能申吾

用也。乃杖策從之，甚見器重，委以禦侮，授之親兵，出為爪牙，入參待直，外捍封略，中清寇攘。十年之間，遂升右職，劉公物故，唐室中興，君於是策名周行，入典離衛，于時戎事俯定，國容載穆。君止於村，循士象恭，守官常時，其寒燠均，其勞逸勤，必微道廉，察何留不，矜出位之思，甚得為將之體。自宣威軍裨將，累遷至左右天威軍都虞侯，自檢校右常侍至檢校太保及淮甸，倣擾都邑，震驚以君為雄州刺史，充建武軍使。其理所即廣陵之天長縣也。據衝要之地，有士民之

象綏懷訓練其俗用和會周世宗親搃六師志平江
右於是濠泗携叛楊楚摧陷君城小援絕堅守累旬
世宗使降將郭廷謂臨城招諭君曰棄命以苟生不
義勦民以全名不仁吾處中道而已乃問道表於本
朝備陳形勢且論遠慮還旨嘉納諭以割地之謀君
即開城請罪世宗慰勞數四錫賚加等即授衡州刺
史封大原縣子充天雄軍節度行軍司馬皇宋啓運
優獎有加改道州刺史進爵為侯君以一絳老之年
有卻克之疾表求致仕優詔不許勤懇固請聽歸臨

淮郡私第春秋七十有五開寶元年秋七月考終命
三年九月葬于盱眙縣義和鄉西高里北團山禮也
夫人會稽縣君謝氏亦江左之冠族作合君子克昭
令儀歲管之勤夙彰於婦德湯沐之邑晚從於夫貴
訓導諸子備全義方鐘蓬首之痛哀而知禮受高堂
之養嚴而有慈春秋七十有六太平興國二年秋七
月終于臨淮私第某年月日合祔焉禮也有子五人
曰延貴延祚延壽延義並克荷先業勤修令名或參
藩郡或幹內職皆先夫人而沒唯第四子延慶獨稟

粹和服膺儒教孝悌之至稱於州閭承顏先意伴曾
閔之行居喪過哀有二連之風廬墓絕漿義感生植
嘉木連理玉芝成叢遠近聞之莫不驚歎由是自前
臨淮令拜大理丞及夫人卜葬違制臨赴為有司所
劾有詔勿問聽解秩家居惟府君之生也臨戎以恩
信理民以慈惠事君全其節處身由其道故垂此家
法推為慶門是生孝子以永世紀美矣哉鉉聞風而
悅之故勒銘於神道其辭曰
於惟易氏忠義之門德厚流光顯于後昆後昆之賢

生我府君體道自居壯圖不羣輟耕永歎負羽從軍
赳赳和門勇爵斯設靜則嚴重動則奮發臨難忘私
處危全節名遂身泰考終無闕允允泗川永閔佳成
哀哀孝子載感坤靈君恩貴寵樂石刊銘百代之下
常流淑聲

故唐大理司直鄂州漢陽令贈衛尉少卿

樊公神道碑

公諱潛字仲明京兆萬年人也昔者虞仲垂孫謀之
慶肇啓我封山甫昭補職之勤實大吾族或則游聖

門而稱達者或則冠先籍而號真人豐沛功臣經營於大業南陽外戚佐佑於中興傳祀百世流光萬國而我之占籍世茂西京樊川之居抗衡韋杜魯祖澄以七世同爨孝德升聞大中制恩特加旌表峩峩石闕至今存焉祖偁濮洲司戶叅軍考諭光化中補池州至德令時天下已亂因家池陽終潤州金壇令公中和稟粹形器夙成好學之勤本由天賦至孝之性不墜家聲始及弱冠併違怙恃絕漿泣血哀感州閭負土成墳終喪廬墓言子道者以為美談于時唐祚

淪胥宗室稱制江淮之地不失舊章公以射策高等補潤州丹陽尉試吏之課書考為優廬陵之民古稱多訟加以畝籍違制亂獄滋豐守臣上言求拯其弊有命擇堪其事者聞公之能因而命之公既至乃相五土之沃瘠察夫家之象寡采古之制酌今之宜創為新規象皆悅服而復出械繫之者窮兩造之亂雪當死者數十人使還議賞增秩進等遷壽春縣主簿既而廬陵之政日理南楚之人聳觀久之以公為光州光山縣令加大理評事猶以前効也于時南北分

裂縣臨敵境有爭桑之女多探丸之吏比閭之衆罕
嘗寧居公於是糾集義勇分守要害推以恩信濟之
強明三載之中一邑用乂遷池州石埭令縣有大姓
侵撓細民歲比不登俗乃重困公繩之以法董之以
威豪右震悚相與逃匿於是啓請出官衆以賑乏絕
省力役以濟農功慈撫仁薰視之如子歲豐俗阜政
用大成就加大理司真旌能政也秩滿遷鄂州漢陽
令未幾遇疾壬子歲某月日終于縣之正寢享年五
十有七以丙辰歲某月日葬于池州貴池縣永泰鄉

保靜里之原禮也夫人王氏鴻臚御滔之女軒冕之
族閨房之秀室家垂訓惠問風行長子若訥不事王
侯自全高尚次子知古才藝畢給際會昌朝踐歷臺
省交脩繁劇今為右諫議大夫河北轉運使揚名之
業方茂顯親之數遂優公累贈秘書丞戶部員外郎
衛尉少卿夫人封琅耶縣太君惟公生而岐嶷長而
學問窮九經之奧旨綜百氏之微言率是古道施於
為政行之以直守之以廉事親以孝飾躬以禮士元
之器命屈於生前減孫之忠慶貽於身後君恩飾壞

世祿傳家咸京之舊表未埋秋浦之豐碑復立俗有遺愛吾無媿辭其銘曰

南山崇樊川溶溶翦商之列補衮之功百代之後流光不窮爰有孝德克生我公猗歟我公顯允君子投此利刃行於百里有惠於民何必貴仕垂慶於後何必在己慶霄之澤自葉流根歿垂中佃生駕魚軒二子殊志俱大吾門優優愚谷英英諫垣九峯之下貴池之口覆斧馬鬣金雞玉狗民即桐鄉碑如峴首江水長流令名同久

洪州豐城縣李司空廟碑文

先王之制以勞定國以死勤事皆得祀之然則非通幽洞靈之士有驚愚顯俗之迹亦不能臻此也李君諱承萬字大用其先隴西人中葉因官遂家上黨先君諱神福避亂擇主來適維揚于時唐室崩離諸侯角逐吳武王奮柏文之舉我先君効閔張之用摧亮略地所向無前功加于時慶鐘于後終淮南節度副使鄂岳招討使君即招討長子也幼而爽俊長而雄勇年始志學即從義旗善撫士卒生知韜略厲若鷹

隼疾如風電時稱虎子敵畏馬兒以功累加檢校左
僕射為橫衝裨將天祐丙寅歲從招討使秦裴平豫
章叙功為最新附之地屬郡未賓明年命君領偏師
平餘盜戈船先進羣帥後期山越霧集漢矢且盡同
玄冥之沒若杜畿之沉享年二十有三諸將嗣事逋
穢克清迎君之喪窆于洪州豐城縣楊子洲惟君夙
齡挺秀盡忠死節識與不識雜然推竒而英靈盼矚
若在左右如鄭人之驚伯有類吳俗之畏子文於是
耆艾相率啓求立祠於墓側公議僉允因贈司空水

早禱祈無不即應鄉邑之際頻歲豐穰湍瀨無虞疾
厲不作而君之家門亦康寧蕃衍焉及今七十年矣
雖神道恍惚不可備論而忠誠報應良足為勸猶恐
年世綿邈流俗失傳或見孫於越巫將受譏於淫祀
嫡孫仁昭願以事實勒於貞珉鉉素與君諸子游復
連姻戚披文相質所不獲辭初君之長弟諱承鼎為
吳王之愛壻故國人咸謂君為伯氏而忘其官稱焉
今用明白之銘曰

嗚呼李君勇且有仁生殉國難沒為明神南楚之郊

章江之濱祠堂奕奕像設侏侏薦信以時降祐於民
龍泉太阿校靈比珍衝斗之氣終天不渝

洪州道正倪君碣

君諱少通字子明其先千東人也末葉避地徙居巴
陵濯洞庭之餘波襲九嶷之秀氣儒風繼世貞節自
持垂慶炳靈先才是出君風骨秀整襟懷坦夷幼挺
高情即依道捷弱冠遐舉來游九江悅廬阜之名區
得董君之故靜種杏之地榛莽森如慨然永懷誓復
靈壑誅茅築室練行修身闇然而彰千里斯應于時

唐運告謝宗室代興江左被玄元之風二葉恢清淨
之教君以清心苦節升聞于朝癸丑歲賜錢三百萬
即所居建太一之觀於是疏鑿舊址草創新規悅以
予來成之勿亟十有餘歲清宮煥然凡建四殿五堂
重門兩序內外棟宇總百三十區像設儀衛莫不稱
是力闢污萊為良田者五百畝而飭賢之費有餘手
植杉松成茂林者十餘根而甘靈之祥再降緣是牧
守嘉尚道俗依憑為本州道正乃知太一觀事身壽
九十有一體力康壯淳化元年秋八月八日子時怡

徐公文集卷之二十一
然而化容兒如生初君自擇葬地於蓮花峯下即以
二年春正月窆焉君性質沖淡不耀其光表率教門
止身而已嘉賦詠善鼓琴龍鳳之形皆由手製山水
之操自洽天和所居之觀俯邇城郭登山之客必先
造焉君將迎接待高卑如一絕迹朝市成樂林泉六
十餘年慎終如始門人弟子先以慈孝為訓有若李
延照蔣守龍等近四十餘人皆以孝行為時所稱親
弟德規同學弟謝又能等叶力同心共復靈迹並先
早世今謝君弟子王省昂嗣膺道任師孫錢知素繼

知太一觀事師門之盛論者美之鉉頃歲扈從南巡
與師款接旬日傾蓋之分有如素交錢君以論譔見
求不當為諱其銘曰

太一董君上帝之賓遺方眇邈奮迹荆榛倪師慷慨
復來清塵種杏之地林光再新異世神交豈其後身
真升自遠代劔非淪瞻言華表誰見千春刊銘翠琰
道契攸親

徐公文集卷第二十七

